

叻報

本館開設在舊巴剎口門牌第十四號

本館新開除禮拜外日出一張
 諸君賜閱本報者無論
 本埠外埠均可函致本館取
 閱如外埠閱報則加寄費不
 論除日報外常刊送外書裁
 惜工本從英國採辦釘書機
 各機器以待與 各官商
 刊印書籍單件並有英各國
 活字及各式花邊等延有
 西人印工藝甚精所有中
 西文字均能翻印並有石
 印字大小機器均用精工

已丑五月廿一日

印工絕倫並延有文士書
 寫各體文字現由上海購到
 各種書籍出售其書目另行
 刊佈所有各項價甚相宜再
 本館所登來札原擇其有關
 世道人心者附登亦不須無
 礙於人而後始錄其有謬屬
 成文以及支離費解者概不
 登報嗣後 諸君來札尚祈
 自諒更須寫真附里而後敢
 登但來稿登與不登均不能
 將原稿收回也 本館謹白

大英一千八百八十九年六月十九號禮拜三 凡刊印告白第一日每一字一仙第二日以下每字半仙 每月閱報一元每日售錢五仙

所不同近見外埠諸君取閱本報者或有僅一二月之久即為止截其更有取巧者取閱本報迫屆半年開單往收報費之時則竟託詞謂已致函本報着為停寄何以復送前來緣是即欲圖沒報資殊堪痛恨竊思本館之報原期大眾同觀諸事之濟否不在一人倘不欲賜觀即以一函投本館斷無有不為之止截豈有強人看閱之理則此等之詐可知茲特聲明 諸君止看本報者必須諸函由國家信館寄叻投之本館始為准信倘本館未接來函仍為派送則不妨再為示教至於取閱報費必須至一年半年方能止截否即作為零沽當按價索償勿謂言之不預也特此聲明 本館謹白

惜字論

昨接漳州詔安人謝姓來札一紙內言惜字一事屬本報論列之以為世勸其意以為旅處本坡之華人既離父母之邦地異而心亦與之俱異即如字紙一項亦每每不加敬惜查本坡有崇文社係專為敬惜字紙一事而設僱有工人多名每日四出檢拾字紙其心何等之光明其事何等之珍重乃受其僱者不過虛循故事每日荷筐而出惟向各店字紙籃中收取歸而繳納遂以此為塞責而道傍時見有字紙遺棄乃曾未見若輩為之檢起此其懶惰不問而知而董其事者亦惟故事虛循並不為之督責以至最善之舉乃成空設是誠不如不行此事之為愈也來函之意如此殷殷囑報迫欲使人見其說而生敬惜字紙之心本館重違其意爰為之詞曰中國自倉頡制字天雨粟鬼夜哭是知文字有靈可動天地鬼神之神變自古以來以惜字而獲福不惜字而遭殃者不知凡幾如王沂公之惜字紙而身登顯宦楊百行之坐經文而盡室罹災此其尤著者也近來中國士大夫尤擊擊以惜字為懷廣作文詞向人勸化甚至如火柴金燭磁碗等物亦勸人不宜委棄亦緣其中有字跡故也體察及微一至於此故識者謂中原士氣已大有復古之觀何獨至於外洋則竟大有不然之處嘗推其故大抵商人多而士人少是以惜字一事遂不甚認真且習見西人並無有所謂惜字之說耳儒目染習俗遂可移人不知中國文字有確乎其不能穢棄者今試姑舉近事一則而証之有車少中者江右人寄居羊石嶺明穎悟博聞強記經史之學尤為所長幼時讀書過目能成誦故有神童之譽故人皆以大器目之惟恨時運限人文章惜命屢試不售於是無志青雲欲進仕路捐納縣丞在粵垣隨班聽設已歷多年曾無一職一差至此頓嘆命運多舛又值巨靈蓋濫勢不可留立志別業前往南洋設帳餬口負笈以從者甚眾意頗自得自此交遊日廣與來往者盡文雅士也車雖讀聖賢書而性情不羈於字紙一物絕不敬惜枱桌透火乃其常事即至廁旁不潔之所亦將字紙糊貼一日有友人赴其屋叙談間見遍處字紙不禁為之愕然即詰車曰子讀聖賢書何不敬字一至於此無乃太過乎車聞不覺啞然而笑曰足下所言差矣夫字紙乃廢棄之物不可復用而吞之取以拭桌椅窗正所以用人所不用是何過之有也於是彼此辯論友人見其偏執如此知不可諫遂辭而歸未幾清風習習微雨霽車隱几而臥夢一大漢素未謀面者膝下兩翅勃勃生風形容古怪甚覺可畏向車而責曰汝今生原是富貴中人因汝不敬字紙故創盡平生福禍頃間友人相勸反以口舌相爭尚不知罪過孽深今而後倘不勉勵自新吾當不汝有也車聞其語怒髮衝冠方欲反斥乃忽聞阿香霹靂一聲從夢中驚醒而身已倒地遍體冷汗惶恐無措久之始徐徐而起則見屋瓦已為阿香所破矣於是始信不愛惜字紙之有罪即將闔旁所粘字紙悉行撕去什襲藏之從此革面洗心一字之微亦不敢棄行之既久忽得暴富擁貨巨萬人咸以為其改過惜字之報云由是觀之不惜字則有奇禍惜字則有奇福即能改過遷善而天亦有以福報之然則人固可以妄費字紙而不加之敬惜也乎

諭旨恭錄

○四月十九日奉 旨京口副都統著致麟調補所遺關黃旗蒙古副都統著祥普補授欽此同日奉 硃筆奏誤等奏匪徒假捏公文私離印信牽涉職官請分別交部訊辦一摺據稱本年三月間關紅旋漢軍挑送庫兵總差據戶部三庫衙門文稱並未吞取查明印文係屬偽造經該部統等訊問印務筆帖式領催等所供情節支離牽涉參領領等官當經私舞弊等語覽奏殊堪詫異亟應澈底根究領催貴珍承繼開散英沛著交刑部嚴刑審訊參領高桂協領終澤沛均著先行解任唐筆帖式廣福一併

同知趙宗翰安徽同知凌文苞江蘇直隸知州李聚河東知州孫肇慶廣西知州嚴家驥兩浙鹽運司運副萬一奇江蘇通判程冠河南知縣何運昌湖南知縣尹佑湯直隸知縣郭銘新山東知縣王之幹山西知縣李奎章湖北知縣任彬光四川知縣胡微元鄒放江仁葆安徽知縣尹允照江西知縣劉先甲湖北知縣王翼浙江知縣張縉雲四川知縣江適福建鹽運大使沈宗約山東鹽運大使鄭華兩淮鹽運大使萬良樹福建鹽運大使姜自銓兩廣鹽運大使劉廣慶廣東鹽運大使延綸俱照例發往開復前河南開封府知府王兆蘭著准其開復原官照例用安徽銅陵縣知縣傅朝仁著准其開復原官照例用山西候補知縣范載春著仍照原參革職欽此

賑捐結冊 ○前者南洋官紳商民等所捐江皖賑捐情形節經列報現在賑務已畢其賑款業已匯寄災區茲將其結冊照登以供衆覽計本坡則西人捐銀共四千二百九十元中國領事官捐銀二百元烟酒公司捐銀四百元閩商捐銀共一萬六千二百二十元潮商捐銀共四千六百五十六元粵商捐銀共二千四百六十五元客籍商人捐銀共一千零五十二元海南商人捐銀共四百七十六元在叻生長之人捐銀共二百三十一元阿納商人捐銀共六百四十四元齊智人捐銀共四百五十一元七角半計共捐銀三萬一千零八十五元七角半檳城商人共捐銀一萬零七十五元五角七占麻六甲商人共捐銀三千零七十二元白蠟國家捐銀一萬元其商民共捐銀六千九百廿八元八角六占吉隆國家共捐銀八千元商人捐銀一萬二千元共銀二萬元順危羽茂商民捐銀五百零五元羅王捐銀二千四百元此項係交陳君金鐘手寄另除費用銀四十一元所存共銀十萬零九千零六十七元零八占云


荒陬陋俗 ○僻壤遐方王化有難臻之處故其人民風俗之異誠有令人聞所未聞者茲姑舉一事以概之實勝越內地有名三尊蘭者乃荒僻之鄉也該處有土人甲乙二名甲則家穠妻孥乙則向爲錄處然二人固相友善時有過從一日甲忽謂乙私其妻乙則矢口不承認甲力証不誣然此中曖昧之私亦非外人所能決斷者由是紛爭不決乃設一法相約各覓善於水性者一人伏於水底看誰先出則爲輸約既定甲乙兩人各覓一人相賽二人入水良久乙僱之人不能久耐因復浮起由是人皆譁然謂乙私甲妻無疑不意乙所僱之人因強伏水底閱時過久爲水氣所侵故歸不數日尋卒由是人亦咸謂其人已代乙領罪而死云云乃終無向乙責問其事如此毫無義理亦可見荒陬陋俗迥不猶人矣

西戲奇觀 ○西婦閣蠟女士精於戲術極其神異因挾術以遊天下前者曾往亞洲曾遊日本上海天津等處皆爲名公鉅卿賞鑒多贈有贊頌之詞近到叻中於十七晚在本坡大會堂開演其大略情形本報業已登於告白並將申滬報所紀其異跡附刊送是夜承該班西主人邀請往觀乃命脂車於八點餘鐘至大會堂入座而觀於時有軍樂一部在此鼓吹迨至鐘鳴九點而女士登場所演各術奇巧之處不可勝言茲特擇其尤者略記之而本報附章所登申滬兩報已經紀載者則姑從畧所以避其複也計夜所演如連環圈如碎物復完等各劇已屬是美不勝收其尤異者以三小桌排列庭中每桌約離四五尺之遠而左桌則置紅酒一玻璃杯右桌則置清水一玻璃杯中桌則置空樽焉女士因將水酒盡傾於樽中二者攪勻而以白鐵罐三具遍示坐客其中空空無有乃取而置於桌上隨手碎紙一把以實之而後以紙蓋蓋之乃未幾開視中桌之罐則白糖充初其中左罐則變爲牛乳右罐則變爲羔羊女士因以茶杯多具遍酌座客飲之芳冽無倫似此變幻實爲莫測之奇爲向來所未有者其他異處甚多莫能勝錄聞女士在滬時曾經丹桂等戲園遊其往演獲資頗鉅而本坡華人戲園甚多易莫聘之往演俾諸華人得以一暢奇觀是不惟能使眼界一新且爲生財之妙策也

善於解紛 ○尋常鬥毆之事原是危機無論孰弱孰強俱傷和氣且貽爲後禍不知始於何時故在少年好勇之徒不甘挫折不能容納必以報復爲能而在有識者視之則殊爲非計諺所謂大事化小小事化無此理不可不深長思也即如本報前所錄戲園直街牛車水某墅乃粵人聚集之所忽爲同街之客籍人某館率衆尋毆竟敢毀壞械門將該墅懸掛之大燈擊落檯面幾召焚如並將大鐘及檯椅字畫等物毀壞甚多日毆傷數人殊爲兇狠該墅經已報案俟緝兇手後交官審辦中人有見者以於理太屈具不欲結怨因借人與該墅講和而末之許也後邱君東才親至該墅再三開導大有解紛排難之能該墅以同是華人講遊異域如互相結怨則屬不宣且以邱君爲某館之長解以事達其命故如所請焉嗣邱君督率數人買置大燈鐘表及所毀之各物送來該墅一概照還至於所傷之人以花紅炮竹紅燭等物謝罪而其事遂了一言而解禍其邱君有焉至於該墅能以大量斂事亦人之所難能者

料事如神 ○去歲彰化之變臺灣司道以下議論紛紛莫衷一是有謂事由地方官不善防閑激成此變者謂禍由清賊而起惟劉省三官保獨持一說謂小民無知苟非從中有主謀斷不敢以身試法及月前由嘉義其紳縉到在事首犯王煥一名押解來郡監禁淡水縣獄中連日由汗冕齋大令嚴訊口供該犯歷歷不諱其中由鹿港分紳施家珍施廣修接濟軍火暗助資財等情與官保所見符合官保前經派員前往彰化將此二人押解來郡二人隨風逃遁已覺情有可疑現經王煥供出由來臺地官保不覺官保之言如神且知是身自有定論一經審訊不難水落石出也

機



售發密烏

售發密土頂國西



Culmbacher Bock-Bier



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈
大英一千八百八十八年八月十五號 明海也洋行啟

啟者茲本行親由歐洲督辦頂上正裝密酒來叻發售其酒香美異常且蒸製最為得法功能清涼解毒能除煩煩於南洋尤屬相宜常飲之可令人不沾暑濕癘疫等症茲特將來發售價甚相宜諸君欲購買者請認以上所印此酒標頭慎為告擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
美憐憐洋行啟

西國醫士佛羅斯配製治病滋補氣血藥水能治肝癰肺癰胃弱飲食停滯心悸多驚四肢酸軟身體虛弱酒色過度等症經馳名於世二十餘年天下各國講究講養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日飲三次俱晨午晚膳後乃飲每次用一茶匙以冷水或凍茶一酒杯開飲須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里洋行對門之新嘉坡藥房即勞末申藥房內麥加里處選購大樽一樽分作一百二十八服價銀一元半樽每樽分作六十四服價銀一元此佈
大英一千八百八十八年正月十八號
美國紐約麥加里公司啟

代驗機器 (啟者余向習機器深於此道可以代人考驗因仁機器以及諸商機器查驗輪船等事倘 諸君有輪船火爐火鋸等請往時加查驗有無損壞抑或新造輪船查驗否能有弊實等情亦無不可所償工值亦甚相宜或先與會商工價若干均從其便至於 諸君欲買受機器者請往代為察驗合宜與否均能効勞 諸君惠顧者請移玉趾至附近郵局之麥打厘路邊第四十四號門牌本寫字樓內相商便得此佈
大英一千八百八十九年四月號 西國機器師亞北謹啟

時欽鐘表出售 ○啟者本店開設在國家信局對門即來安公司之隣專在歐洲督辦各式時欽鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上鍊之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選打他如金表金匙相合金表鍊金戒指等各物甚多不能備錄而本店并能代 諸君修理鐘表以及風雨針等件甚為精細以能暑度無訛 諸君惠顧請即移玉 光臨為盼
大英一千八百八十八年四月十七號
模申鐘表店謹啟

禮隆賜宴

○本月十九日 御賜朝鮮使臣筵宴先期禮部大堂前懸掛綵結搭蓋龍棚飭傳前門外樓挑斜街東麟堂飯庄買設廚某備辦一切食品預行布置是日辰刻恭設 聖旨香案另擺左右座位至星齋李蘭蓀兩大宗伯文仲興敬子齊徐頌閣康仲山四少宗伯均至署內稍待旋見朝鮮使臣徐乘輿而來先在龍棚下望 闕謝 恩畢隨即入座領宴一時簪纓畢集者核紛陳肅穆之中倍形淡洽宴畢禮部值日兒差人等齊赴筵前連隊伙一併抬出名為搶宴觀者咸謂 聖朝之待陪臣至優極渥彼躬逢其盛者不知感激當何如也

駐領茶規

○即補府升授基隆撫民理番分府淡水縣正堂汪抄奉全臺稅釐總局司道為凱切曉諭事照得本總局于本年四月初八日奉官保衛撫憲電示掘廈門協隆洋行稟稱昨接美國協隆洋行來函以近來臺灣廈門辦來之茶日壞一日喝車行設法除去積弊等因伏查車行在華辦茶已有二十六年之久臺灣島龍亦由車行辦起現在茶莊屢將碎末攪和混賣以致外洋甚難出售茶箱亦以舊爛鉛皮為之裝釘甚難由華裝載至美路程數萬里為日甚多以舊爛鉛皮為箱必致出氣變味伏乞飭令禁止以後裝釘務需堅固勿將舊爛鉛皮為箱近來辦茶者皆以日壞一日為詞若非竭力整頓則恐日本印度之茶日多而中國之銷路愈減車行在日本所辦之鳥龍其價稍昂而美國均樂于購辦且消路日廣良以立法之善也等情據此行局飭即出示曉諭等因奉此合亟出示曉諭為此示仰全臺茶行商販人等知悉爾等須知貿易之路誠信為先貨真自然價實網利必致受害臺茶專消外洋年盛一年獲利倍蓰豈可提假作偽自誤自欺況有日本印度之茶與我爭利全賴我國同心協力認真揀選勝于他處則消路專歸臺產自然獲利無窮爾等務須整頓行規揀選真茶勿提碎末製辦新船裝箱封固俾洋人相信爭先售買則大利全歸切勿再蹈前轍自貽伊戚爾等慎之勿違特示

名園小記

○蘇地園林之勝任人遊玩者不下五六處而路之遠近適中園之點綴合宜莫如顧氏之怡園本月十四日沈旭初觀察假庫園中遍邀諸客藩臬兩司首府三縣並候補道數人先後戾止水陸畢陳珍饈羅列豪氣溢于四座餘歡逮于聯興致足樂也○蘇州城外留園為昆陵盛地人方伯別墅春秋佳日士女如雲遊船蟻集沿河數里幾無隙地今年園中復仿洋場式置備東洋車一輛以便婦女往來因是遊人益形熱鬧前日有洪某葉某二人約同某姓婦女在彼遊玩而洪等本非良士舉動之閒不免稍形佻達時有陳姓狂且淫視已久疑以為路柳牆花可以任人攀折也而女適無心遺其手帕于地陳即趨拾從而輕薄之太獲洪某等之怒遂掌其頰復推而跌之地陳知眾寡不敵逃至他處遇其同類汪某汪某少年遇事聲令守侯園門之側洪不及防門未數合散北而歸招集馬夫數人復往合戰汪不能堪傷其鼻血流如注狼狽而歸一時聞者咸謂辱由他自取執意陳某等猶不自引咎屑想于交約齊三三十人架詞以發官憲之聽君子觀于此不能無風俗之憂矣

廟陞簪毫

○上月廿三日 皇太后臨幸頤和園陞玉泉山遊覽見山上有玄天上帝廟神像已滿零因 傳諭海軍王大臣速將該廟蓋造重塑金身并就廟壁上將真武源流考全行畫繪另繪一冊 呈覽○已丑科新貢士在 保和殿 殿試經禮部奏准於四月廿一日舉行刻由禮部分咨內閣景運門侍衛處查照成例分別奏辦矣○福建按察使奎榮峰廉訪使自升臬司尚未 陞見比因奏緩秋審於初八日携瀾晉進京抵南羅鼓巷本宅當即繕摺請 安隨於五鼓趨詣西苑門恭備 召見○本科會試經大總裁於薦卷中挑取湖南舉人彭文等八十名為錄錄十一日晨將三場珠墨試卷封送吏部查照拆封榜示○正白滿都統印信被竊本管都統伯邸當將值班之佐領等奏交刑部嚴訊一節已見邸抄茲聞伯邸 竊犯已由步軍統領緝獲不難按律科斷值班官弁未便久禁園扉遂繕摺奏懇 施恩請 飭部將世管佐領德容騎騎校吉倫領催福增與順等員四名即行開釋仍由本旗照例予以失察之咎以儆將來 奉硃批著照所請該部知道欽此 旨下即經刑部同校各堂憲備文將德容等員四名送回該旗云○新授布政使司滿副使良星垣少銀臺塔爾吉本月初十日已刻上任先期經經歷廳傳知同署官員吏役及各省駐京提塘人等至期齊集署內預備一切禮儀○距甘池口村西直門外數里許村 某甲係卓成門外法衍寺鋪派家道小康衣食不虞缺乏二日杪某日晚三時突有十數人手持刀棍圍門而進時甲適出外女眷見其悍橫俱嚇伏不敢動任其搜掠一空事後檢查所失約值京款二千餘兩急報本管營坊會勘賊跡通緝拿旋經駐劄八里庄左右營王千戎在是村緝獲十有二犯訊明送北署○爾藍旗漢軍吉副都統恒於本月十一日辰刻在太僕寺街該旗公署內挑補各甲喇領催甲敷爾布養育兵等缺並考試該旗送考繙譯各童

京報選錄

○頭品頂戴湖廣總督臣裕祿跪 奏為甄別庸劣不職及年力衰弱之遊擊守備各員請 旨分別革職勒休恭摺仰祈 聖鑒事竊查疆圉將備各官或戰領專營或分防汛地均有管轄弁兵操防巡緝之責必須為守兼明營務方資整頓如有庸劣不職年力衰弱之員亟應隨時甄劾以肅 軍政今查有湖南提標左營遊擊施振國性情已陋聲名各復劣辦理營務習氣太深湖南長沙協右營守備黃傳行為謬妄不洽兵心湖北衛營中軍守備楊新發年力衰庸難期振作均未便稍事姑容據各該管營官稟揭前來相應據實奏參請 旨將湖南提標左營遊擊施振國湖南長沙協右營守備黃傳雲均即行革職湖北衛營中軍守備楊新發勒令休致以示懲儆會同湖南巡撫臣王文韶湖北巡撫臣奎斌署湖南提督臣周瑞龍湖北提督臣程文炳恭摺具奏伏乞 皇上聖鑒訓示再湖南提標左營遊擊湖北衛營中軍守備各員請 旨分別革職勒休恭摺仰祈 聖鑒事

中軍守備均係題補之缺湖南長沙協右營守備陸路部推之缺現在兩省均有應補人員容臣另行揀員請補理合陳明謹奏奉 硃批 着照所請兵部知道欽此 ○記名提督福建寧鎮總兵林其臣巴圖魯奴才曹志忠跪 奏為恭報奴才出洋督緝日期仰祈 聖鑒事 竊奴才前經督辦總兵向於每年二月初一日出洋統巡至九月底撤巡歷經遵辦在案茲光緒十五年二月屆應統巡奴才遵即依期馳赴 奴才惟有勉竭愚忱督率將士常須在洋勤加巡緝使海疆無虞謹此具奏伏乞 聖訓各營兵勇認真操防妥為布置遇事稟承督臣酌度辦理以仰副 聖主綏靖海疆之至意所有奴才出洋督緝日期理合恭摺具奏伏乞 皇上 聖鑒謹奏 硃批知道了欽此 ○張之洞片 再上年添設廣東北海鎮移改高州鎮所有應改關防條記均經臣奏請勅 部改鑄頒發開用在案茲據高州鎮水陸總兵黃廷彪呈稱查得原設高州鎮標中軍遊擊關防清漢篆文向係廣東高廉鎮標中軍遊擊兼 管左營關防字樣現因改營制不符又新設陽江鎮標左營中軍守備前准部咨該遊擊既改為陽江中營該守備自應一併改鑄陽江中軍 守備等因今該守備條記篆文尚循其舊以上兩員關防條記均應改鑄又高州鎮標右營都司右營中軍守備兩員所用漢字正文本質關防 均係乾隆年間頒給雖文字與新改營制無殊惟年久模糊不足以昭慎重現新設之北海鎮都司守備各員奉准部議均鑄給銅質清漢篆文 關防條記所有高州鎮標右營都司左營中軍守備亦應改鑄銅質清漢篆文關防條記各一顆以歸一律其原領之各關防條記俟奉敕鑄頒 發到日照例銷鑄等因飭據前廣東布政使高崇基查核詳請具奏前來臣覆核無異所有應行改鑄高州鎮中軍遊擊關防右營都司關 防左營中軍守備條記陽江中軍守備條記共四顆相應請 旨勅部核明分別撰鑄字樣改鑄頒發來粵俾得給開用以昭慎重除咨部外謹 附片具陳伏乞 聖鑒謹奏 硃批禮部知道欽此

地菓園出投 ○啟者茲承已故楊鳳麟之掛沙人楊長溪之命定於西本月廿五號即華本月廿七日禮拜二下午二點半鐘在本 館內拍賣貴重地菓園共十二區 其一屋地一區坐落長泰街大一千零八十四方英尺乃九十九年之期由一千八百四十二年九月一 號起算每年繳納地稅銀一元五角其屋乃十八號門牌現賃與人每月租銀十四元 其二屋地一區與上地為鄰其屋門牌乃九十九號其地 廣闊及地稅屋租與上地相同亦九十九年之期亦由一千八百四十二年九月一號起算 其三屋地一區坐落吉靈街其屋乃九十四號門 牌大有一千二百丁方英尺乃九十九年之期每年繳納地稅銀一元三角此屋每月租銀十七元 其四屋地一區坐落天福宮後廈門 街其屋門牌乃十八號大有一千三百五十五丁方英尺乃九十九年之期每年繳納地稅銀一元四角此屋每月租銀十元 其五屋地一區 連屋二間坐落牛車水大馬路門牌乃一百八十三一百八十四號大有一千五百八十八丁方英尺係九十九年之期每年繳納地稅銀三 元此屋每月租銀共廿四元 其六屋地一區坐落豆腐街東頭其屋乃第十號門牌大有一千三百五十五丁方英尺乃九十九年之期每 年繳納地稅銀一元五角此屋每月租銀十元 其七屋地二區坐落五代天宮街建屋一間及四十七號門牌一大有二千八百五十二丁方 英尺一大有五百五十三丁方英尺其大者係九十九年其小者係九十九年大者每年繳納地稅銀三元小者地稅銀一元此屋每月租 銀廿四元 其八屋地一區與上地為鄰門牌乃三十一號大有一千三百九十三丁方英尺係九十九年之期每年繳納地稅銀二元此屋每 月租銀十四元 其九屋地一區坐落府署右傍單邊街其屋門牌乃廿六號大有一千二百廿丁方英尺乃九十九年之期每年繳納地稅銀 二元此屋每月租銀十九元 其十屋地一區坐落賭間口其屋門牌乃六十三號大有一千四百四十丁方英尺乃九十九年之期每年繳納 地稅銀九角此屋每月租銀十六元 其十一屋地一區坐落粵海廟前其屋門牌乃十九號大有一千四百四十五丁方英尺乃九十九 年之期此屋即係已故楊鳳麟眷口所居 其十二貴重園地一區坐落吧實班場地方在登芳林園對面共大有二十希葛餘園內栽種椰子 榴連望吃等菓木甚繁其果已大半成熟此園乃承遠自主之業投定之後先交價資四份之一餘款限西七月九號以前償清其餘所有詳細 章程另有西字列明 諸君有合意者請屆期 玉臨投買是荷 大英一千八百八十九年六月十九號 吉靈街主告白

招商承餉 ○大英欽命新嘉坡輔政司為 招承餉碼事照得彭亨地方酒賭當碼將屆出投之期其係在該處之坤東 南品因 東等地方特此示諭商民人等知悉汝等欲承此碼可觀西本月十四號即華本月十六日之憲報便知其一切詳細情形矣各宜踴躍切 切特諭 英大一千八百八十九年六月十五號 大清光緒十五年五月十七日 示

退股聲明 ○啟者牛車水火車路華英藥房原係王金殿與鍾存仁頂受開張現王金殿於西本年正月一號即華去年十一月三十 日已將該店全盤頂與朱叔裕承受自頂之後該店嗣後生理盈虧與王金殿無涉而該店有與 寄來往數目惟向承頂人是問不干王金殿 之事先此聲明免滋後論 大清光緒十五年五月十五日 退股人王金殿謹啟

退股聲明 ○啟者牛車水火車路華英藥房原係王金殿與鍾存仁頂受開張現王金殿於西本年正月一號即華去年十一月三十 日已將該店全盤頂與朱叔裕承受自頂之後該店嗣後生理盈虧與王金殿無涉而該店有與 寄來往數目惟向承頂人是問不干王金殿 之事先此聲明免滋後論 大清光緒十五年五月十五日 退股人王金殿謹啟

退股聲明 ○啟者牛車水火車路華英藥房原係王金殿與鍾存仁頂受開張現王金殿於西本年正月一號即華去年十一月三十 日已將該店全盤頂與朱叔裕承受自頂之後該店嗣後生理盈虧與王金殿無涉而該店有與 寄來往數目惟向承頂人是問不干王金殿 之事先此聲明免滋後論 大清光緒十五年五月十五日 退股人王金殿謹啟

大英北方商務火燭保險有限公司告白

啟者本行向代理大英北方商務火燭保險公司專代 諸君承保洋面平安清蒙 惠顧茲本公司更增發火燭保險以保單中平安價甚相宜茲 爲略列如左 一號保險每值百元保費銀五角另扣同十八仙與投保者 土油保險每值百元保費銀一元五角亦扣同十八仙 煤炭 保險每值百元保費銀一元二角五仙亦扣同十八仙 雜貨保險其貨置於丹戎巴葛貨棧內者每值百元保費銀一元另亦扣同十八仙 其餘各貨如欲買保者請至本行面商價甚相宜此佈 大英一千八百八十六年十一月二十九號 年 代理人明嗎也洋行謹啟

三品酒出賣



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香 美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行白頭三 品酒者請細認本號招牌之內有小紙包頭註華字號號號號號也公司者始無誤若此字樣即屬 偽冒請爲細認特此佈 聞 大英一千八百八十五年十二月十九號 明嗎也公司謹啟 年

本月二十日票行

| | | | |
|---------------|--------|-----|---------|
| 傳單上 | 五百廿一元 | 新烟土 | 五百廿一元 |
| 上甲錫 | 三十四元五角 | 叻島椒 | 十九元四角 |
| 叻甘蜜 | 八元六角 | 白椒 | 三十四元二角半 |
| 金香行情 | 金盾一個 | | 六元六角 |
| 印度盾 | 一百元兌 | | 二百三十盾 |
| 爪亞盾 | 一百元兌 | | 一百八十六盾 |
| 票行情 | 銀行利息 | | 十二八仙 |
| 銀行現銀票銀行貼出 | | | 三角七占半 |
| 商人三十日期票 | 一百元貼銀行 | | 三元 |
| 銀行現銀票一百元銀行貼 | | | 五角 |
| 商人三十日期票 | 一百元 | | 一元五角 |
| 匯加勝巴銀行現銀票一百元 | | | 一百八十四盾半 |
| 商人三十日期票 | | | 一百八十八盾半 |
| 匯加里末銀行現銀票一百元 | | | 一百八十六盾 |
| 商人三十日期票 | | | 一百九十一盾 |
| 匯三寶龍銀行現銀票一百元 | | | 一百八十六盾 |
| 商人三十日期票 | | | 一百九十一盾 |
| 匯望加錫銀行現銀票一百元 | | | 一百八十六盾 |
| 商人三十日期票 | | | 一百九十一盾 |
| 匯井里汶銀行現銀票一百元 | | | 一百八十六盾 |
| 商人三十日期票 | | | 一百九十一盾 |
| 匯仰光銀行現銀票一百元 | | | 二百廿六盾半 |
| 商人三十日期票 | | | 二百三十一盾 |
| 匯加里吉打銀行現銀票一百元 | | | 二百二十七盾 |
| 商人三十日期票 | | | 二百三十二盾 |
| 匯上海銀行現銀票一百元 | | | 七十五兩半 |
| 商人三十日期票 | | | |

火 船 開 行

| | | | | | |
|------|------|------|-----|-------|-------|
| 泗水 | 保安 | 火船 | 廿一日 | 下午四點 | 豐源號 |
| 峇釐陵 | 安班蘭 | 望加錫 | 又 | 又 | 又 |
| 檳榔嶼 | 不爺勝 | 火船 | 廿一日 | 下午四點 | 莫實德洋行 |
| 峇淡棉 | 仰光 | 加里吉打 | 又 | 又 | 又 |
| 麻六甲 | 薩寶 | 火船 | 廿一日 | 下午三點 | 棉示必洋行 |
| 吉龍 | 武吉居勝 | 又 | 又 | 又 | 又 |
| 麻六甲 | 庭鼓士 | 輪船 | 廿一日 | 下午二點 | 豐源號 |
| 吉龍 | 利勝 | 輪船 | 廿一日 | 下午二點 | 又 |
| 日理 | 顏爾密 | 輪船 | 廿一日 | 下午三點 | 棉示必洋行 |
| 網略 | 海律勝 | 輪船 | 廿一日 | 下午三點 | 萬興號 |
| 檳榔嶼 | 潮州 | 輪船 | 廿一日 | 下午四點 | 又 |
| 峇株巴葛 | 永安 | 輪船 | 廿一日 | 上午八點 | 又 |
| 日理 | 蘇蛙美 | 輪船 | 廿一日 | 下午一點 | 又 |
| 檳榔嶼 | 採萊加 | 火船 | 廿一日 | 下午一點 | 又 |
| 加里吉打 | 北研 | 輪船 | 廿一日 | 下午二點 | 豐源號 |
| 麻六甲 | 碩頂 | 北研 | 廿一日 | 下午三點 | 慶發號 |
| 望加錫 | 施實密 | 火船 | 廿一日 | 下午三點 | 又 |
| 麻六甲 | 柑吧示 | 又 | 又 | 又 | 又 |
| 班加蘭 | 迷爾 | 輪船 | 廿一日 | 下午四點 | 又 |
| 呂宋 | 勝憐那士 | 火船 | 廿二日 | 上午十一點 | 又 |
| 香港 | 又 | 又 | 又 | 又 | 又 |
| 上海 | 棉蘭 | 輪船 | 廿二日 | 下午二點 | 又 |
| 龜蘭 | 仙那簡 | 香港 | 廿二日 | 下午二點 | 又 |
| 納閩 | 明茂 | 輪船 | 廿二日 | 下午三點 | 棉示必洋行 |
| 檳榔嶼 | 龜蘭 | 仙那簡 | 廿二日 | 下午三點 | 又 |
| 峇淡棉 | 佛路皮勝 | 輪船 | 廿三日 | 下午二點 | 又 |
| 歐洲 | 又 | 又 | 又 | 又 | 又 |
| 井里汶 | 新檳榔 | 輪船 | 廿三日 | 下午三點 | 山仰號 |
| 三寶龍 | 又 | 又 | 又 | 又 | 又 |